

ԿԱՆՈՆԱԿԱՐԳ

ԵՐԵՎԱՆԻ ՊԵՏԱԿԱՆ ՀԱՄԱԼՍԱՐԱՆԻ ՄԵԹՈԴԱԿԱՆ ԽՈՐՀՐԴԻ

1. Ընդհանուր դրույթներ

- 1.1. Սույն կանոնակարգը սահմանում է մեթոդական խորհրդի իրավասությունը, ձևավորման և աշխատանքի կարգը:
- 1.2. Մեթոդական խորհրդի կանոնակարգը ԵՊՀ կանոնադրության 13 կետի է) ենթակետի հիման վրա հաստատում է ԵՊՀ գիտական խորհուրդը:
- 1.3. Մեթոդական խորհրդի կանոնակարգի մեջ փոփոխություններ և լրացումներ կատարվում են նույն կարգով:

2. Մեթոդական խորհրդի կարգավիճակը և կազմը

- 2.1. Մեթոդական խորհուրդը ուսումնամեթոդական և հրատարակմանն առնչվող հարցերը քննարկող խորհրդակցական մարմին է, որը կոչված է նպաստելու ԵՊՀ-ում տարվող ուսումնական և գիտական աշխատանքներին և դրանց արդյունավետության բարձրացմանը:
- 2.2. Հունանիտար և բնագիտական մասնագիտությունների գծով մեթոդական խորհուրդները ներառում են յոթական անդամ, որոնք հրամանագրվում են ռեկտորի կողմից երեք տարի ժամկետով:
- 2.3. Մեթոդական խորհրդի նախագահին ի պաշտոնե՝ համապատասխան ուսումնական աշխատանքների գծով պրոռեկտորն է:

3. Մեթոդական խորհրդի խնդիրները

- 3.1. Համակարգում է ֆակուլտետային մեթոդական խորհուրդների աշխատանքները:

- 3.2. Քննարկում և երաշխավորում է՝

- ա/ ուսումնական գործընթացի մեթոդական ապահովման հարցերը,
- բ/ իրականացվող և նոր բացվող մասնագիտությունների և մասնագիտացումների ուսումնական պլանները և առարկայական ծրագրերը,
- գ/ պետական կրթական չափորոշիչները,
- դ/ դասավանդման նոր եղանակները,
- ե/ ուսումնական գործընթացում կրեդիտային համակարգի և ուսանողների գիտելիքների գնահատման ռեյտինգային համակարգի ներդրումը,
- զ/ արտահամալսարանական կազմակերպությունների հետ ուսումնամեթոդական և գիտամեթոդական համագործակցության հարցերը,
- է/ ուսումնամեթոդական և գիտամեթոդական այլ հարցեր:

4. Մեթոդական խորհրդի աշխատակարգը

- 4.1. Մեթոդական խորհուրդը հարցերը քննարկում է ռեկտորի առաջարկով կամ ԵՊՀ գիտական խորհրդի որոշմամբ:
- 4.2. Մեթոդական խորհուրդը հարցերը քննարկում է իր նիստերում, որոնք անցկացվում են աշխատանքային ծրագրին համապատասխան կամ ըստ անհրաժեշտության:
- 4.3. Մեթոդական խորհրդի նիստերն իրավազոր են խորհրդի անդամների կեսից ավելի ներկայության դեպքում:

- 4.4. Մեթոդական խորհուրդը առաջարկություններ և եզրակացություններ է ներկայացնում ռեկտորին կամ ԵՊՀ գիտական խորհրդին:
- 4.5. Մեթոդական խորհրդի նիստերն արձանագրվում են:
- 4.6. Մեթոդական խորհրդի նախագահը ղեկավարում է խորհրդի ընթացիկ աշխատանքը, ներկայացնում է այն ԵՊՀ գիտական խորհրդում և այլ օղակներում, ստորագրում է մեթոդական խորհրդից ելնող փաստաթղթերը:
- 4.7. Մեթոդական խորհրդի փաստաթղթերը և եզրակացությունները հաստատվում են նիստին ներկա անդամների ձայների պարզ մեծամասնությամբ: Ձայների հավասարության դեպքում վճռորոշ է խորհրդի նախագահի ձայնը:
- 4.8. Մեթոդական խորհրդի անդամներն իրավունք ունեն խորհրդի արձանագրության մեջ մտցնել հատուկ կարծիք: